

**Imigassat ethanolimik akullit Kalaallit Nunaanni sananeqarsimasut akitsuutaat  
pillugit Inatsisartut inatsisaata allanngortinnissaanut inatsisartut  
inatsisissaattut siunnersuut**

**pillugu**

**Inatsisartut Akileraartarnermut Akitsuusiisarnermullu Ataatsimiititaliaata**

**ISUMALIUTISSIISSUTAA**

**Siunnersuutip aappassaaneerneqarnerani saqqummiunneqartoq**

Inatsisartut Akileraartarnermut Akitsuusiisarnermullu Ataatsimiititaliaat  
suliarinninnermini ukuninnga inuttaqarpoq:

Inatsisartunut ilaasortaq Emilie Olsen, Atassut (siulittaasoq)  
Inatsisartunut ilaasortaq Jens Lars Fleischer, Siumut  
Inatsisartunut ilaasortaq Palle Christiansen, Demokraatit  
Inatsisartunut ilaasortaq Olga P. Berthelsen, Inuit Ataqtigiit (sinniisussaq)  
Inatsisartunut ilaasortaq Doris Jakobsen, Siumut (sinniisussaq)

UPA 2007-imi siunnersuutip siullermeerneqarnerani inatsisissatut siunnersuut  
nassuiaatai ilanngullugit Inatsisartut Akileraartarnermut Akitsuusiisarnermullu  
Ataatsimiititaliaata misissuataarpai.

**Inatsisissatut siunnersuutip siunertaa**

Inatsisip kinguneqaatissaanut iluarsinerit teknikimut tunngassuteqarnerusut  
siunnersuutikkut anguniarneqarsimapput. Akileraartarnermik aqutsinerup qitiusumut  
inissinneqarneranut atatillugu UPA 2006-imi Inatsisartut akuerisaannik  
tunngavilimmik nutaamik inatsisiliornerup allannguutit pisariaqalersissimavai.

**Inatsisissatut siunnersuutip tusarniaassutigineqarnera.**

Siunnersuutip teknikimut taamaallaat tunngasuunera eqqarsaatigalugu  
tusarniaanermik ingerlatsisoqassanngitsoq Naalakkersuisut toqqarsimavaat. Pisoq  
tunngavigalugu inatsisissamik tusarniaannginnissaq Akileraartarnermut  
Akitsuusiisarnermullu Ataatsimiititaliap akuerisinnaavaa.

**Inatsisissatut siunnersuutip Inatsisartunit siullermeerneqarnera.**

Inatsisissatut siunnersuut siullermeerneqarnermini partiit oqaaseqartuinit tamanit nangaassutitaqanngitsumik taparserneqarpoq.

**Akileraartarnermut Akitsuusiisarnermullu Ataatsimiititaliap isumaliutersuutai.**

Siunnersuut innuttanut suliffinnut pisortanulluunniit akileraarutitigut allannguutiniq allatigulluunniit pisarissersuinerminik kinguneqassanngitsoq Akileraartarnermut Akitsuusiisarnermullu Ataatsimiititaliap paasivaa. Ethanolimut akitsuutip akilernerqarnissaanut piffissaliussaq Naalakkersuisullu nakkutilliinikkut iliuusissanut maleruagassanik aalajangersaasinnaanerat pillugu siunnersuut iluaqutaasunik erseqqissaanissamik nassataqartussaavoq.

Tamanna tunngavigalugu siunnersuutip Inatsisartunit siullermeerneqarneranisulli inatsisissatut siunnersuut taparserneqartariaqartoq Akileraartarnermut Akitsuusiisarnermullu Ataatsimiititaliap isumaqarpoq.

**Akileraartarnermut Akitsuusiisarnermullu Ataatsimiititaliap inassuteqaataa.**

Akileraartarnermut Akitsuusiisarnermullu Ataatsimiititaliap isumaqatigiittup siuliani oqaatigisani tunngavigalugit inatsisissatut siunnersuut saqqummiunneqarnermisut Inatsisartut aappassaaneerinerminni akuersissutigissagaat inassutigaa.

Taamatut oqaaseqarluni Inatsisartut Akileraartarnermut Akitsuusiisarnermullu Ataatsimiititaliaata siunnersuut Inatsisartunut aappassaaniigassanngortippaa.

Emilie Olsen  
Siulittaasoq

Doris Jakobsen

Olga P. Berthelsen

Palle Christiansen

Jens Lars Fleischer